

2 "А" сыныбының 2023-2024 оқу жылындағы тәрбие жұмыстарының есебі

Сыныбымда жыл басында барлығы 23 оқушы, оның ішінде 13-ұл, 10-қыз бала болды. Біз 2"А" сыныбы 2-ауысымда оқимыз.

Сынып оқушылар арасындағы қарым-қатынас жақсы қалыптасқан. Биылғы жылы келіп қосылған оқушылар басқа балалармен бірден тіл табысып, татуласып, достасып кетті.

Сынып өте ұйымшыл, тапсырылған іске үлкен жауапкершілікпен қарап, тиянақты орындауға тырысады. Әр апта соңында сынып сағаттары өткізіліп отырды.

Жыл басында тәрбие сағатымыз білім күнінен басталды. Тақырып: "Мектеп – мейірім мекені". Мақсаты: оқушылар мектептен білім алып қана қоймай, өмір сүру заңдылықтарын ұғынады, адами құндылықтарды сіңіреді, алтын ұяның балалық шақтан болашаққа қадам бастыртар тәрбие мекені, мейірім ортасы екенін түсінеді.

Ұлттық мүдде: ұлттық мәдениетті дәріптеу

Ар-ұят: әдеп нормаларын ұстану

Талап: дұрыс қарым-қатынасты орната білу, білуге, жаңаны тануға құштар болу.

Сынып сағатында оқушыларды төрт топқа бөліп, әр топ Отанымыз туралы ақпараттармен бөлісіп, әр түрлі тапсырмалар орындады. Оқушылар қағазға өз ойларын сурет түрінде түсірді. Еліміз, жеріміз туралы тақпақтар айтып, әкелеріміз бен аталарымыз сияқты Отанды қадірлеуге, сүйуге, қорғауға тиісті екенімізді айтып сабақты аяқтадық.

Жалпымектептік спорттық іс-шараға жаппай сынып болып қатыстық. «Тілім менің ғасырларға аманат» атты сынып сағаты 8 қыркүйек күні өткіздік. (А.Байтұрсынов туған күніне арналған «Тіл тазалаығы»)

Ұлттық мүдде: Салауатты өмір салтын ұстану

Талап: Білуге, жаңаны тануға құштар болу

15 қыркүйек «Жолда жүру ережелерін білесің бе?» атты сынып сағаты өтті.

Бұл сабаққа оқушылар суреттер салып, жол ережелер белгілері туралы айтып берді.

22 қыркүйек ««Денсаулық және дұрыс тамақтану»» атты тәрбие сағаты өтті. Оқушылар қазіргі кездегі тамақ түрлерінің пайдасы мен зияны туралы әңгімеледі.

29 қыркүйек күні оқушылармен бірге «Қарты бар үйдің қазынасы бар» атты сынып сағатын өткіздік.

6 қазан «Бір отбасы – бір кітап» атты сынып сағатында оқушылар мектебіміздің кітапханасына барып, кітаптармен танысып, жазылып, өздеріне оқуға кітаптар алды.

20 қазан «Мемлекеттік рәміздерді қадірлеймін» атты сынып сағатында еліміздің рәміздері, олардың авторлары, президентіміз, Ата Заңымыз жайлы әңгімелестік. Қазақстанның көркеюі, оған әр оқушының ат салысу керектігі жайында әңгіме қозғалды

«15 қараша – Ұлттық валюта күні» атты сынып сабағымызда өте қызықты өтті. Мақсатымыз ұлттық валюта теңгеміз жайында ақпараттар беру, оқушылар білгендерін ортаға салып, әңгімеледі. Оқушылар белсенді қатысты.

17 қараша күні өткен «Әкеге-ізет, анаға – құрмет» сынып сағатында оқушылар өз отбастары туралы әңгімеледі.

«Әлемді бағындырған жерлесіміз» атты сынып сағатында Ту тіккен Рақымжан Қошқарбаев» тақырыбына сынып сағаты өтті. Мектебімізге оның аты берілуі, әрі жерлесіміз, тарихта ерлігімен аты шыққан батыр туралы ақпараттар айтылды.

«Қазақстан – біртұтас жер, біртұтас халық»

Оқушылар Қазақстан мемлекеттілігін нығайтуға атсалысу және Қазақстан мүддесіне қызмет етуге ұмтылу қажеттігін айтып, еліміздің осы уақытқа дейінгі жеткен жетістіктері туралы айтып өтті.

Тоқсан аяғындағы аптада Жаңа Жылды қарсы алуға үлкен дайындықпен келдік. Мақсаты, оқушыларға жаңа жыл мерекесі туралы тереңірек түсінік беру.

Бұл іс-шараға оқушылар әр-түрлі бейне-кейіпкерлер киімдерін киіп жаңа жылға арналған өлеңдерін оқып, би биледі. Сынып іс-шараларға белсенді қызыға қатысты.

Сыныпта ата-аналар жиналысы өткізілді. Ата-аналар комитетін сайлау, алдағы атқарылатын жұмыс туралы ұсыныс, оқушы формасы, оқулықтың ұсталуы жайында айтылды. Алдағы уақыттарда сынып оқушыларын мұражайға, табиғатқа серуенге апару жоспарланды. Күзгі, қысқы демалыс кезінде балам үшін өзім жауап беремін атты қолхат алынды.

Сыныбымыз бірегей ұлттық киім кию күніне ата-аналар көмегімен түгел сыныпқа біргелкі жилеткалар тіктіртті.

Қорыта келгенде 2 "А" сынып оқушылары алдағы уақытта жақсы білімдері және тәртіптерімен, мектеп іс-шараларына белсене араласып, бұдан да жақсы нәтижелер көрсетеріне сенімдімін.

Сынып жетекшісі:  Естекбаева Ж. Т.